

奇

觚

廩

詩

集

序

同邑葉鞠裳侍講以鴻雅宿儒晚入詞館一督隴學即乞病歸里遭陽九百六之變憂傷而卒其著述之自刊者爲藏書記事詩語石二種詩文雅不示人文有稿本詩則詩聽另編成卷外大都存日記中肖子君宜茂才幼學早殞侍講遺言以一切手稿付及門潘仲午比部及汪星臺明經作古而後仲午先刻成文集寒山志詩讌三種旋檢日記中各詩手寫續刻起壬寅至乙巳隴輶中作定爲上卷中卷起丙午僅得九葉仲午遽卒手稿轉歸星臺未及賡續而星臺亦卒手稿復藏仲午從孫博山所吾同年王君九學部侍講執友蒿隱樞部子也念先世道義文章之誼慨然自任從博山檢歸日

記自同治庚午閏十月十三日起至宣統辛亥後之丁巳九月十五日止共四十二鉅冊乃就仲午所刻殘卷續編歸田後作至辛亥爲中卷編壬子至丁巳避世時作爲下卷旣成帙矣又輯壬寅至丁未諸詩爲仲午所遺者成補遺一卷輯辛丑以前日記所載與另稿應存之作彙成前集一卷於是奇觚顧古今體詩粲然秩然略無散佚剗剔之費君九出銀幣百錢爲倡侍講舊交劉翰怡京卿出百錢曹叔彥太史費子飴觀察各出五十錢程觀岳觀察之後賢印午昆仲出二百錢助之辜較大數事可獲濟以鉅備悉顛末屬書其端鉅惟侍講令聞在舊何待鉅言君九敦崇古處自完其通家子弟之責亦何待鉅言特念敬事侍講者三十年近又借讀日

記全帙得親侍講爲學之要與數十年朝野故事山海之藏  
取資無盡其尤不可及者侍講處家庭骨肉之間用情肫篤  
失子以後境至不堪尙能於沈憂積慘之餘殫心著作官翰  
林時爲朝貴引重直而不倨曲而不訕辭受取與尤斷斷焉  
辛壬之交於變故始末造成萬古傷心之局不記不能欲記  
不忍則又紆回隱軫自致其忠愛悲憫之懷小德出入亦未  
嘗自匿幾於古所謂無事不可告人者芳蘭冰雪襟抱同之  
傳人完人一無媿色左太沖賦云蔚若相如儼若君平竊謂  
侍講之文學蔚之至也侍講之品節儼之至也 鈺於光緒戊  
子從侍講應院課同爲貴筑黃子壽師所賞拔奉手承教交  
在師友之間丁巳正月南歸尙幸一親顏色詢及北中近事

相對嗚咽未幾而人天永隔矣故鄉遺獻矜式無從輒因君  
九談謹附述及之敬告天下之讀侍講著述者勿以訓詁詞  
章金石目錄之學槩其生平可也丙寅大寒節章鉦謹序

奇觚頤詩集卷上

長洲葉昌熾

壬寅

宿太常鎮

南原接北原秦隴此交會  
涇水流其閒滌洞一衣帶  
昔往今復來簡書敢云瘁  
礪雪凌古松岫雲吐深檜  
俯視千仞崖地維忽崩碎  
中空若井智低陷極深遽  
豁庠境別開崎嶇勢欲墜  
一柱淩孤標森如劍鉞銳  
土花蝕牆坳山茅塞蹊介  
下有穴居民炊煙出叢蔚  
蟻壘曲可穿蜂房密如綴  
架壑結檜巢懸厓覆華蓋  
雙雙扉可叩猶在白雲外  
容膝比鑿坏曲肱且枕塊  
猶留皇古風况逢大有歲  
使節崆峒來歡呼望塵拜  
聊

當田廬祈年穀無有害似聞太息聲鬢毛已憔悴垂老試鉛  
刀慨然發深喟撫茲懷葛民塵容竊自愧適館拂征裘一室  
如斗大明發聽雞鳴前途行尙邁

三不同

甯州安化  
董志交界

莫謂華離地不同寸天尺土盡寰中若言鼎足三分業我是  
吳門舊阿蒙

癸卯

發蘭州

倚郭河如帶登臨路不平流泉穿徑出殘雪隔山明倒屣驚  
投繯彈冠喜振纓出門休惘惘浩蕩一鷗輕

自峴口子至阿干鎮

羣山驚一束蜿蜒若溝奔創立千層壁潛通兩峽門懸厓飛  
鳥絕怪石怒視蹲此是陶家土瓶罍制尙存

登關山嶺

詰屈羊腸馬已隤三塗太室共崔嵬雪融巖竇琤琮下風拂  
嵐扉淡蕩開槐奉簡書初度隴悄攜詩句獨登臺振衣欲下  
頻回首滿目川原尙草萊

新店子行館山水奇秀頗似小李將軍畫幅疊前韵

焚輪風起隴坻隤蹴踏邊塵出背鬼牧馬臨洮窺塞靜蹲鴟  
沃野面場開煙銷紫翠遙當牖雲涌金銀若有臺縹緲仙山  
樓閣裏手招青鳥下蓬萊

劉伶溝再疊前韵



銅山東應洛鐘墮青蓋淒涼比馬嵬上隴閒關三輔遠中原  
傾洞一尊開莫言丹竈能移宅想見糟邱別築臺荷鋤若尋  
埋骨地空煩短碣撥蒿萊

出狄道東門書所見

昔遊江上焦山寺門外波濤萬頃潭亦似珠宮隨地現飛來

一箇小茅庵

焦山寺

大石陽山憶顧家今來大石有張家一拳同是門前石隴上

江南天一涯

大石張家

狄道懷古

大將星沈五丈原洮河風急陣雲昏出師雖捷猶無補但少

陰平一騎屯

姜維

拾得哥舒半段槍英姿如見朔方兵  
慢憂收馬窺邊未且聽

漁陽鼙鼓聲

哥舒翰

千古龍場共謫官隴氏爨蕪識衣冠  
登亭恍到松筠宅字字

蛟螭鬱律蟠

楊忠愍

清平道中

澗橫一木當枯槎道弗難行路尙賒  
倦矣津梁慚沮溺穹然閣道入褒斜  
亂流噴雪成追蠡墜石崩雲躍怒蛙  
絕處山蹊逢間介徘徊欲渡又停車

五月八日宿安定驛

五月山城裏圓爐待向晨炎天寒夜瘴  
安土刼餘燐競渡懷荆楚重關接鞏秦  
徘徊桑下宿三度歎勞薪

登車道嶺

三登車道嶺絕巘上岩堯四顧皆空闊天風振次寥戾臺眠  
古初隴坂隔平椒縹馬危峯頂雙扉敞洞窞

菩薩樓

通渭道中西石  
硤口補作

磐石如獅復如象或如鳥下倏高懸雲中雞峙參差屋雨後  
龍湫活潑泉紺閣高懸雙峽外翠畦濃上萬峯巔津梁倦矣  
我知返此亦仇池小有天

自甘草店至清水驛

倏遲車道嶺袤延五十里高下判地形陰陽隔天紀嶺南十  
日雨擊壤田峻喜嶺西無片雲望澤憂甚杞驕陽正當午大  
塊號噫氣流沙若山傾旋風激之駛天地爲變色白日倏虧

巖輟馬嘶不騎塗吟述尺咫其細入無聞其深陷無底解蹇  
拂衣緇緇深刻肌理側聞農與歎龍病未良已蹶潞一勾水  
得之如膏醴新苗難有秋豐年況云屢同在百里內有如鄰  
洽比雨暘寒燠風何不同如此莫以五行傳而信古史氏災  
祥語多誣暴虐術尤鄙種樹汲山泉薤草去道弗稽之古農  
官龍見土功始庶幾迂和甘坦坦道如砥

宿馬蓮灘

連城南接馬蓮灘雜處民番控馭難賜姓沙陀留鐵券請盟  
爰劍列珠槃千重雲樓家何在五月冰構氣尙寒自古遑中  
戎索地嚴疆鎖鑰一彈丸

雙峯夾峙路紆回出峽平沙漠漠開麥浪翻成青穠極蘿牆

削出紫玫瑰日沈山色昏於墨夜靜河聲閑若雷候吏道傍  
休問訊陟岡我馬已虺隤

發老鴉鋪聞大通河漲無船可渡

一雨洪流竹箭騰峯頭雲起尙翬翬臨崖但請公無渡緒地  
應知僕未能三峽倒流傾匹練四阿懸溜瀉銀繩未知湟水  
交通處巨浪平添又幾層

大通河漲住村舍待渡

黃頭空歎糴郎多欲渡無從喚奈何碧海三山求縹緲銀河

兩岸隔婆娑荒郵燈話捫蟻蝨宵帳鈴聲送橐駝

番人過河  
貿易者皆

支鹽帳  
宿水次

桑下於今三日宿聊將田舍當行窩

褰裳欲濟苦無航向若徒勞歎望洋舫筏渾如農叱犢

傳遞  
文書

皆以牛鞞吹氣傳芭先筮士割羊村人以一羊禱於河神祈水退虛舟雖設

難施楫

有渡船兩艘繫岸側無篙楫不能渡

兼味無多幸賫糧揭淺厲深良不

易船舟何日可爲梁

平番道中

淡雲籠樹雜陰晴迢遞枝陽半日程雨後灘聲流不斷又從青寺到紅城

宛似芙渠出綠池米囊如錦正開時鬱蔬種秫無餘地漏脯家家說療飢

胡體齋觀察潘錫九大令招游小西湖受軒方伯有詩報謝卽次其韻並呈錫侯制帥

未到仇池小有天鄉心亦繫五湖船青山乍別渥中後白社

遙追洛下前擊壤歌聲聽喜雨兼圻勛業邁凌煙暫拋簿領  
逢高會來與山靈證夙緣

天涯同是宦游人傾蓋何嘗論故新觴政漫依金谷例節麾  
遣被玉關春迢迢濠上觀魚樂埤垼牆邊策馬馴莫道秋風  
鱸膾美謝公霖雨爲斯民

登前韻

舊游尙憶海南天到處西湖不繫船樽酒重開觀稼日使車  
已屆及瓜前蘆中浦淑明秋水柳外亭臺澹暮煙難得西園  
逢雅集好將文字懺塵緣

不注蟲魚磊落人陰鏗詩句一時新桐陰燒屋堪銷夏茶具  
烹泉出供春山色推窗招鶴下河流到砌喜龍馴巨川幸託

同舟濟漫向槃邁作幸民

七月七日李伯珍觀察招飲卧龍閣次受軒丈韻

恍到無懷與葛天且斟綠螳泛觥船隆中千古長吟日河上  
雙星未渡前鵠鵲橋填留駕月蠟燭寒靜息傳煙自儕管樂  
良無愧想見君臣魚水緣

亭邊髡柳立如人矧有秋涼一味新籌筆歸從鈴下夜按羅  
醉到甕頭春卧龍自見投綸起老驥空悲伏櫪馴差喜豐年  
人語樂共安耕鑿作堯民

疊前韻答受軒方伯

袖中封事憶朝天度隴欣同李郭船簪筆側聞冠柱後負書  
且喜拜車前簞杯香溢蓮房露石鼎詩聯茗榻煙小阮竹林



原舊侶矧從翰墨締新緣

風雨秋寒欲中人開緘庾鮑共清新詩壇敢附敦槃後酒國  
遙瞻杖履春霄漢正隨黃鵠舉煙波漫共白鷗馴等身自有  
名山藏願請先生付手民

又疊前韻

老去風情似樂天朝來貺我一珠船唾壺擊缺銜杯後刻燭  
吟成判牘前塞上旌幢蒸嶺雪圖中笠屐柳橋煙錦囊收拾  
皆詩料心月身雲到處緣

不惜駕鉞度與人錦機組繡巧翻新小山桂樹叢生夜宮閣  
梅花本自春待詔憶從金馬出談詩養馴雞馴覲光會建  
崆峒節俠轂歡騰隴上民

次受丈雨窗見寄韻

牛耳騷壇夙主盟，河梁蘇李敢齊名。  
白頭作宦同羈客，青眼論交得步兵。  
度隴非才慙報稱，籌邊無警樂昇平。  
題糕未到重陽節，秋雨秋風已滿城。

苦雨二首次韻

帚禪誰與證參寥，十日尋詩悶未銷。  
埽徑苔紋迷屐齒，登樓草色濕簾腰。  
焚香無事鍵關日，綯索相從補屋宵。  
苦憶韞軒雙節使，衝泥正渡灞陵橋。

山城風雨入秋寥，髀肉於今歎盡銷。  
瞑館孤燈挑雁足，長堤三阪浸虹腰。  
闌珊棋局忘清晝，淒切鈴聲警徹宵。  
聞道門前車轍少，橫經多士負圓橋。

求古書院課期阻雨不克親臨試士

再疊前韻

涼氣長空振沈寥濕雲籠岫未全銷登疇放水禾生耳排闥  
看山笏挂腰夢短鴉鵲啼徹曉光沈熠燿斷行宵溪流到處  
添三尺清簾潄溪過石橋

甲辰

二月十六日赴鞏昌按試出蘭州郭門作

縹馬蘭皋趁午晴三年又展使車程離亭山隔鞭絲影繞郭  
河喧水碓聲羽扇障塵逢款段紙鐙挂篆近清明懷中夾袋  
嗟磨滅媿負臨歧送別情

溟渤吞舟鬪巨魚頻宮恩樂就刪餘殘枰一局神空運廣厦  
千間願已虛橫海飛符羅剎誓閉關卧治葛天初蓋公黃老

聊藏拙豈讀司空城旦書

關山嶺

恍建鼓旗出井陘甕天一碧齡重冥劫餘山壁苔還赤春到  
邊庭草未青絕壁深如謨蓋井危峰高處削平礪班生孰是  
封侯相瀚海燕然待勒銘

宿狄道州解登碑亭覽楊忠愍公遺跡書此誌感

履霜冰堅先集霰雨雪濛濛未見明明綱頽自孝廟初相嵩  
竊權比恭顯但聞馬市絕邊開未有烏臺攀檻諫先生崛起  
耶潛中氣作山河筆如電應知龍比非俊人豈僅山王作好  
掾明星睽睽草諫書髣髴東方未明視一疏論邊臣再疏劾  
京卡閫外何嘗輸赤心座中相戒避藍面青詞昨進步虛壇

白簡先拌謹身殿革心雖冀木從繩充耳其如規爲瑱九閭  
高高不可聞萬里孤臣竟遠譴荷戈遠戍隴水西從此天涯  
悲謫宦祥麟威鳳世所稀矧在邊隅豈易見平生本不卑小  
官講學何妨召羣彥鄉亭斗食亦儒官柱後惠文今佐縣判  
牒衙齋杖履間彈丸郊舍絃歌徧莫謂下方蟻豷臣椒山膽  
是蚺蛇練清風勁節百世師薇蕨首陽接鄰甸側聞恩詔下  
金雞難得寓言儕木雁西市琴聲日影斜耿耿孤忠死不變  
卽今骯髒風塵中一命豈無作更選枳棘難言鸞鳳棲芻豢  
但爲鶩馬戀抱關擊柝縱爲貧折枝吮癰亦云賤執鞭瑣瑣  
何所求擁蓋揚揚奚足羨微祿爭爲五斗營粗官本可一錢  
辦清宵風月誰可談宦海津梁我云倦須知簿領有司存莫

效脂韋晉夫便古今人豈不相及舜蹠雞鳴爭一閒庶幾砥  
柱屹中流敬爲先生後來殿辦香昔禱松筠庵貞石三疏留  
篋衍今來度隴謁公亭茆舍甘棠訪民諺猶有龍場驛吏祠  
千古邊荒澗荈薦

出狄道東門

出郭焦山寺絃歌尙樂郊

山麓有趙然書院

風鈴沉塔頂雪白陷峯

腰折戟洮河戍謨觴渭水交圖經尋禹跡鳥鼠說同巢

清平道中

鳴沙石峽細彈箏略約山谿厯亂橫茅店村雞曉過午下清  
平至上清平

登小關山

升降坡陀三十里縱橫畦畛萬重山風高野戍呼鷹急日落  
荒原放馬還汧渭附庸先大駱鞏秦通道控羣蠻九泥可塞  
原天險南出臨洮第一關

首陽山夷齊墓

坏土何如蒲子津拂衣下馬辨貞珉一官度隴同遷客千古  
爭墩爲逸民薇蕨不隨朝市改松楸猶傍驛垣新逃名尙有  
柴桑叟洞口漁舟記避秦

鞏昌謁文廟禮成賦此示學官諸生

聖教清時記大同使臣秉節出崆峒炳然車服昭懸象畫矣  
輔軒愧采風吉月餽羊留告朔先生羔雁莫冬烘斯文一穢  
憂將墜欲作干城在變通

床凶剽迅置郵速丸泥苟可封適郊卽云樂一或陷名城不  
啻沈大陸封豨極賤賜談虎猶癘鍊承平十萬戶衢市相連  
屬子遺無二三所遭踰百六枕戈敢忘讐挺刃待發伏吁嗟  
天生人盧牟皆在育譬如同產子宜敦孔懷睦方今海禁通  
萬里地可縮中夏神聖裔不恥事基督蹊田甚牽牛謀國類  
刻鵠犴穰將及米百里國日蹙無皮毛焉傳進退悵維谷殷  
鑒良不遠西方有捐篤無衣賦同仇禦侮尙不足豈可同種  
人閱牆先骨肉尙其釋詐虞相與安耕鑿戒哉後車轍毋效  
前車覆

自磨石峪至鴛鴦嘴爲漳渭二水合流處

驅車上隴坂溫風冰始泮隘巷開土門短厓蔽村開一澗中



潯溪人家隔兩岸雞犬聲相聞樵蘇影方爨隔河一牛鳴往  
來笑乘傳纍纍澗邊石磷磷色可玩髣髴支機餘爛焉在雲  
漢莫謂淺可揭漸裳僅沒肝巨流正前橫津梁未應倦平岡  
削如砥高隴登可斷渭水逕其西東臨漳水畔雙流分路歧  
一柱矗天半直下相淶潯橫流各滯汧矯如扶兩龍長空游  
汗漫遇如敵交綏組練習水戰衣帶風交縈春輪雪奔竄沿  
洄共朝宗有若溜澠判到此如會同原分條則貫巾箱出桑  
鄴圖經可覆纂向若君莫驚叩須人盍喚輿緯若盪舟橋衡  
如奉案踏浪聲不譁習流技頗善迤邐通河梁盤紆逼井幹  
撻石填一卷枯查支半段馬首瞻屢回雁齒鏤無算幾欲自  
厓返竟成涉渭亂川途歷已艱舍館望仍遠前登光祿坡岩

巖聳樓觀

出甯遠東門至樂善鎮

雨後山光出郭青  
水田漠漠霧冥冥  
桑麻接畛分虞芮  
桃李連村闕尹邢  
引客遺煩峯頂塔  
候人時憩道旁亭  
豔陽頗似江鄉景  
兩度暫安驛馬經

過樂門二十里至磐安鎮尖

朱圉嶺

鳥鼠自西來羣峯帶井絡  
崖臺屹未傾  
當亭此焉託朱圉  
三十里迤邐若屏幕  
一縷裂巖縫  
飛橋柱鐵索  
雲氣通往來  
造物有祕鑰  
窮樛青未了  
直到古冀郭  
溯自禹跡開  
更遭秦火灼  
靈質鑄胚胎  
神光流煜燭  
遺燼尙未收  
燎原燄猶虐  
至今千百年  
不啻塗丹雘  
在隴位正南  
火難亦清霍  
渭水流其根

龍湫古不涸上有千仞崖不使寸土著蛇穴小如瓊涓涓流  
一勺淬出青芙蓉森然羅劍鏑鑿空架懸龍臨虛飛傑閣遠  
望若檜巢觚稜綸金爵旁行逼崖屢俯窺生錯愕祇應列仙  
居或招天帝博下界倘來游山鑿未應諸我聞石季龍摩厓  
頗不惡長嘯上東門雄氣猶旁嘯馬上得天下文字視糟粕  
安能濡淋漓到此題岩藁或者張寶輩來踐孟嘉約登高筆  
如椽藉抒王霸略西傾與因桓山川邈如昨遺跡空雲烟古  
人不可作偉哉神禹功千載留疏鑿

自伏羌登山冒雨至關子鎮入秦州界

屋屨欲上雨如絲滑滑泥深拾級遲村舍開從山盡處驛亭  
到值市喧時載馳百里剛行半不看三台爲數奇按部重來

今一歲胎禽逐客若先知

伯南在野田中見  
白鶴翔於寥廓

秦州晤張瑤圃刺史言英國馬教士欲於試日進貢院門以  
彼教書普送士子賦詩謝之

昨宿伏羌城今稅天水駕人生一蜉蝣本來如傳舍嗟余矧  
晚晚早思乞休假長爲沮溺耕不談桓文霸秦州張刺史殷  
勤出郊迓愀然前致詞爲言遠人詐欲持摩西文來宣道鐸  
化未敢求升堂不樂寄檐下得門倘可入雞林倍贈價庶同  
景教碑或可登插架責言自西鄰氣已吞東夏國維旣不張  
斷斷詎能罷尺蠖有屈申好官由笑罵不見淮陰侯猶出少  
年膀使者無町畦頗不棄歐亞但茲棘院牆觀禮如觀蜡苟  
爲破觚圓卽招叢矢射衝風起蘋末蟻防潰一罅孔墨辨本

詩止  
古  
歧鄒魯開可詭無事鳴鼓攻亦難曲縣借正如漆室憂耿耿  
苦長夜茲事匪約章煩君善爲謝

自秦州至秦安八十里南北兩山頗高峻渭水流其間

渭水南頭與北頭前山高與後山侔懸崖路轉因紆險歧路  
泉飛不辨流兩峽中藏溪上屋一峰側出樹間樓彈丸黑子  
曾何着豈但齊煙點九州

伯南贈西藏小橄欖乾如腊小如丁香而無核其色黑其味  
澀而甘賦七律一首

不須彈事說芭蕉舌本香生鄙客銷畏友如逢黃叔度諍人  
乃有蓋寬饒焚箋欲斷殊方貢諫草還從縮本描咀到回甘  
猶未盡不嫌些子味清寥

秦安道中

近接慈籠尺五天  
良苗雨露得來偏  
長橋架壑初無水  
絕阪開畦盡作田  
馬到懸厓須繫勒  
鳥從曠野得高鶩  
彎環一髮微雲裏  
卽是來時驛路邊

過弔坪梁山風砭骨與中口號

寒風薄日日無色  
兀兀與如一葉舟  
梨杏雖開春未逗  
豔陽三月尙披裘

秦州雜詩

巖壑參差架棟樑  
佛公橋畔雨如絲  
車前芳草迎來客  
老去勞薪說向誰  
桃似華清新浴後  
柳如年少沓花時  
蒼龍各有生機在  
大好風光畫裏詩

庖犧渺矣賸高墉，誅蕩扉開第一重。豈止關門橫四扇，

自伏義城

進東關至大城共五里

更饒家量貨千鍾，遺民釋耒談誓契。老婦先炊

祀，誓宗咫尺卦臺還。突兀負圖何處有，龜龍

漫將莒惡與同論。擊析重關日已昏，頗似敖倉輸用道儼從

廣里到防門。

秦州城狹而長兩山繞之

蹲鴟沃野籌箕祝，養馬遺墟帶礪

存。旣庶自宜加富教，撫綏端在長官恩。

軒窗四面足磐桓，牆外青山更飽看。啄木鳥能施勅勒，眠花

蝶亦夢邯鄲。竹如佳士難常見，松比儒官卻耐寒。

隴上無竹惟秦州使

院有數竿鎖院靚深非，卻埽焚香攤卷一憑欄。

暫拋簿領挈壺觴，徧訪城南選佛場。拂藓題名皆舊雨，浴蘭

天氣近新霜。

甘肅天氣亦晚寒三月猶披裘

身衣行部猶前日，雞酒臨歧況

異鄉天水本爲君本郡甘棠遺愛未能忘

觀察王晉卿同年謝葆林太守張瑤

國刺史蔣蔭庭游戎皆舊識回湖去歲按臨時惟前

輩秦階道趙謁臣觀察已作古人矣不勝人琴之感

紀侯祠在郡衙西腐史焚身事可稽絳灌亦應羞作伍黥彭

毋乃惜爲醢功基滅項終與漢禍異烹酈未下齊海內至今

思將帥朝廷側席正聽輦

土人祀漢紀將軍爲城隍神其廟在貢院之東州廨之西相距不數

武

拄杖欲尋南郭寺蒲團好證北宗禪閉車新婦踰三日面壁

老僧已十年驛路皇華頻夙駕山門古柏尙參天雲中壺嶠

終難卽兩度停輶祗惘然

出東門望南郭寺欲游未果

隴上翹翹此錯薪論文重與溯椎輪非無奇士如終賈安得

人師有孟荀衣薜言時原鑿空種蕉勸學喻知新談天未可



憑窺管荒古難言貴雅馴

鐵老鴟峽

亦名何家坡

土厓忽破碎隔澗開峽門土石相附麗土膚石挂跟透池壁  
漸削石滑不可捫澗流漱齒齒迸作戈矛痕巨刃相摩戛各  
各前其鐔一石太突兀張口如巨鼃馴如獅象伏猛如熊虎  
蹲嘉名庶肇錫再拜石丈尊鴟爲物之賤瑣瑣無足論彼諄  
諄訕訕與疆疆奔奔或驚妖鳥惡或喻狡童昏不祥世所棄  
難語鸞與鴟以此審厥象毋乃擬不倫唐突到鄭旦滑稽眞  
齊髡頗疑村夫子錯改同金根

鴟疑是鸛字之訛

空山無薇蕨本非

首陽墩胡爲長槁餓蒙此不潔究我詩如老吏奮筆爲平反

石兮似有省點頭默無言

牛營山

一名銀條梁

馬營廿里接牛營但見參差隴不平  
村落疏疏半甌脫荒寒已似極邊城

草色青迷白蘚灘若開泐澤盡鹽官  
涓涓溝水凝如雪巖缺山猶笑畫錢

宿安定城追悼王鴻齋安乙垣兩同年

鴻齋去年攝邑篆歿於任

葉令雙鳧有政聲羅浮仙吏亦知名  
麻衣如雪遺孤子葛帳當風愧友生  
華表適聞騎鶴返靈牀難禁作驢鳴  
下車腹痛還深省莫到鐘殘尙夜行

登青嵐山至西鞏驛宿

登嶂魚鱗繡紫邏青嵐高處怯風多  
懸梯策馬常旋折絕開

驅羊或寢訛頭痛已臨寒瘴阪

去歲宿此從者皆感瘴頭痛甚有眩仆者

尾閭難

洩濁泥河山泉味惡休供飲

自安定至青家驛水味苦惡難飲

且酌村醪倒

巨羅

野曠風高氣沈寥依巖築砦鬱嶢嶢荒厓日落藏幽魅古戍

星寒混麗譙勇士已分仍壯縣

安定漢天水郡勇士縣縣道地

使君誰嗣但

題橋

驛西十里永定橋乾隆時鞏昌府王廷瓚所建亦名王公橋

玉關萬里通乘傳贈策

前途有纒朝

聞新疆藩司同鄉吳福茨方伯西來已過平涼

啄木鳥

有鳥鳴高樹一枝寄鵲鵲桑土堦牖戶架木爲槽巢頗類蛙

閣閣亦似蠶車纒得毋鼓兩耳清越持播鼗又似漸離筑一

擊悲風號厥名曰啄木厥木高維喬穴中有螳子細等蒲羸

腰可以果我腹有若取其骨殲茲總小醜毋乃譏老饕謬傳  
有祕錄詰屈神所教利喙逾句踐靈怪豈諾皋畫本如畫錐  
胸篆有六爻拾鍼如拾芥不啻拔一毛懸知造物巧瑟柱難  
可膠少見多所怪反常卽爲妖遷埵觀螻蟻結網懸蠨蛸微  
物有機械亦若人勞勞持竿見童子仰樹求升猱將如痴僕  
翁冥心去承蜩何苦戀飲啄天空任翔翱

蔣公度新構青家峽驛舍甫告成下車之日喜見輦飛詩以  
落之

鳥飛正擇一枝安前路崔巍近六盤倦矣津梁欣駐馬美哉

輪奐愧棲鸞寒林翠巘遙環列

青家峽古爲寒林關地

廢壘丹墉好轉

般土木之材皆

取諸舊防營我是羊求三徑客小詩竊比頌斯干

東山李家店宋新安王吳璘命其子挺築堡拒金處

距靜甯三里

巖關鎖鑰控邠涇老將中原百戰經想見西平新壁壘可憐

南渡小朝廷轉邊氣已吞河隴背水軍疑出井陘聞道賀蘭

新奏凱錦歌未驚喜重聽

南夏竦匪晉軍與甘軍合剿聞已就撫潢池監弄由榆林來非東邊

之馬賊也

兀然卧道老王黑未許連城下折筆秦漢舊疆恢北地范韓

幕府共西陲君臣策誤和金議父子勛高保蜀碑

去歲試階在成縣訪

得吳挺保蜀功德銘豐碑巍然文字完好

東去蕭關更天險都廬山頂萬峰卑

登六盤山放歌

天風誅蕩吹我衣手揮白雲登翠微天梯百尺不可上混茫

一白開嵐霏山麓三家自成市絕壑兩岸聊通碕不知曉轡

徑千轉但見栲栳峰四圍一峯一曲若相引懸厓側足空所  
依第十九曲到峯頂每於曲處開巖扉叢林陰晦日色澹曉  
來磴滑露未晞赭馬流汗作牛喘蒼隼到退如鴟飛道旁奇  
石發頰紫黯如褐色濃如緋芙蓉蘿葛挂絕壁陰厓不見升  
朝暉廣坪一畝削如掌剝竿駁落凌飛輦開門隴東浮一粟  
極目惟見高崔嵬溯自不留窺荒谷篳路藍縷開庶幾夕陽  
在巘適邠館率西水滸愛厥妃至今山下半陶穴日高依舊  
牛羊腓惜哉雜處徧羌索通人千載來者稀崆峒訪道雖咫尺  
未聞玉檢登壇祈廣德已淪吐蕃城唐肅州縣廣德初沒於吐蕃鎮戎  
亦隸金源畿固原州宋建鎮戎軍金爲鎮戎州北江尙譌樂蟠字六盤山洪雅存伊犁  
日記誤作六蟠自鄱以下原無譏班言都盧鄙苦水樂史寰宇毋乃

非清水卽爲烏水轉他樓一例援妃豨圖經荒率難可據誰

瘞空腹如瘞飢我來亦復愧邊笥文人何處求龍威清暑樓

荒贖飢餓

元史屢稱元主避暑六盤山當時必多深林今則無樹唐六盤關及元安西王清暑樓皆無遺址

彈箏峽響空珠璣

瓦亭峽卽古彈箏峽唐德宗時與吐蕃分界處寰宇記引水經注云涇水經都盧山

內有彈箏之聲也

空山無人獨憑弔抱琴欲鼓知音希惟有沿山萬

枝柳送人四牡驂駢駢前路笑指瓦亭驛駐營不見牛邯旂

後漢郡國志烏枝縣有瓦亭牛邯軍處

漢軍長驅已直下惟有新息能見機

泥函谷亦未塞食言卻笑游翁肥隴干門戶雖第一籌筆未

可忘葑菲毋合後來賈太傅過秦作論重歔歔

蕭關亦名金佛峽俗名三關口

安得楊郎渡隴來蕭關不是單于臺徑如蕉葉千重捲峰似

蓮花十丈開金佛層龕猶湧出瓦亭清水正流同

關東十里  
爲清水溝

蒼茫戰壘今安在但聽懸河瀑似雷

王晉卿同年張瑤圃刺史招同謝葆林太守蔣蔭庭參戎游  
水月寺賦長句奉酬

遠公闢精藍淨土植蓮藕我來甫饒春蓮葉尙未有遠山列  
如屏方池廣盈畝面水開軒窗濯纓息塵垢偏反四照花略  
約兩行柳叩關集簪裾埽徑布鼻卣感時或沉冥論學互諮  
扣良會宜眞率忘形到某某鼎來足解頤觴行無掣肘車中  
閉新婦已逾三日久到此快邀矚豁若脫羣桎愛人及嘉樹  
尙想柴桑叟斯干方落成尸祝徧隴右觀察公上客爲政繼  
公後昔爲幕下掾斧柯今在手經論恢八表隻手握綱紐公



所未竟志一一補戶牖謝君康樂裔流風永嘉守夙耽山水  
癖好詩兼好酒亦不廢吏事嘉禾去稂莠左手算縉輅右手  
捉談帚吏人雁行立新詩已脫口張君古循吏龐然已鮐耆  
精強如少年腰懸若若綬所至有政聲豈弟民父母蔣君蘊  
藉人雅歌樂虛受賓筵更投壺治軍警刁斗我從三徑來忝  
附羊求友嗟余已衰鬢此官况駢拇度隴倏三載徒爲牛馬  
走斯文尙榛蕪歌詩愧薪樗諸君過不棄盛意逾瓊玖空濛  
煙水鄉招邀童冠耦陶然共一觴明發瞻馬首相期歲寒盟  
寄詩聊覆瓿

玉泉觀和仙人洞壁閒石刻元達玄子韻

鄉里吾懷馬少游故園草色滿長洲十年作客匏難繫三月

輕寒麥未秋飯顆相逢仍戴笠瓜牛聊寄悟藏舟道人倘有  
蒲團在欲乞邯鄲舊枕頭

登前韻寄贈王晉卿觀察

扶搖志在北溟游典記搜羅到五洲屬國已嗟虞不臘殘枰  
須仗奕如秋楚秦未可輕三戶吳越於今共一舟側席莫虛  
明主意恩綸卽日下詞頭

天開石鏡歌

在石峽關一名由夫  
于山距秦安十里

石壁平瑩滑如鏡摩崖徑尺筆力勁鏡中照見素衣綢到此  
虺隤馬亦病此山靈秀如削成四面丹青畫圖映一峰斜抱  
蓮花城千登高懸蘿蔓磴虛壇宵窅列仙居空谷徘徊靈氣  
孕荒崖古跡讀且捫絕壑飛泉清可聽迷津莫問客頻迴奇

石無言僧入定朗然萬象在鏡旁朝旭初升夕煙暝微塵芥  
子攝無餘終古不磨常自淨著書誰是河上公題字倘逢谷  
口鄭逍遙猶帶鹿皮冠寂寞共揮麈尾柄負薪率爾且行歌  
戴笠逢君卽下乘柳閒拾橡貯筠籠松下刷苔燒藥飯竹杖  
青鞋望若仙長鏡白木依爲命樵夫不絕爛柯歸攜子相從  
濯纓詠果然仙境隔人寰別有田家新月令山中白雲良自  
多世外不堪來持贈我來兩度重徘徊人到半生益蹭蹬置  
身臺闕匪所思稽首山阿竊有請故鄉雖有好湖山如此湖  
山亦殊勝先從澗壑架長橋再築池臺闢幽徑誅茅結箇小  
園焦種菊畝爲大中正何必更賦歸兮篇卽此無慚拙者政  
山靈听然忽騰笑吾子栖栖毋乃佞祇緣泉石成膏肓坐使

文章落餽釘五湖煙水菱荷香三徑霜寒松菊臘花橋舊夢  
尙可尋柏社前因亦堪證巾車豈必事遠游樽酒何妨樂中  
聖草堂猿鶴有移文枳橘踰淮非本性當思息壤能踐言且  
勿登山遽乘興

涇州雜詩

涇水分流穆滿宮山南山北隔同中井參分野通秦隴  
轂馬專征自阮共叢爾城移安定驛涇州新城卽舊安定驛狡焉疆啟義渠  
戎隗劉戰壘空陳述安必河西愧竇融

上有高原下有溪重關清晏息征輦一犁穠稔仍陶穴百雉  
崔巍倚石梯人似蟄蟲坏戶出地非老馬易途迷自隴以西重山鱗次  
徑路紛歧往往往小路不通車輒視官路不過半程亦如七聖襄城野咫尺空桐斗極

齊

但聞虎齒兼蓬髮火賁沐桃盡子虛祇與東方增辨固本偕  
北戶列戎墟少翁五利猶前日侍女雙成載後車賸有上官  
碑篆在盤螭哭過夢英書其山上有王母宮宋上官必篆書碑記尙存山下道旁有石碣曰瑤母處

罕干部落控先零老上單于亦入邊塞外氈裘皆雜種回中  
烽火達甘泉營平吏屯田後江統華戎著論年豈第漢家  
終始患至今猶慮死灰然

涇原千里總師干爭說軍中有范韓史筆但爲經略誰謂任水川  
將才自古折衝難空聞連弩輸將作未見長纓繫可汗謂好  
何異江南恢復策小朝畢竟駐臨安

白楊花似木棉柔頗訝功堪挾纈收白楊花頗堅韌其白如雪瑩潔有光穗長二寸

許與柳絮絕不同若其性緩禦寒當不減木棉或可造紙惜隴土無攷求之者棄之如遺寒谷最先溫律

政隴土早寒惟涇州清泉詎可濁流投皆清濁倒置古碑

恨未攜羶蠟訪得高顯寺魏碑王母宮大安鐘新政紛如置奕楸改策論爲二場自涇

始束閣六經還未讀何煩海客話瀛洲

自涇州至平涼二百里夾道皆白楊樹濃陰如幕奚啻萬株

人行其下清風徐來皆左文襄西征時軍士所手植也賦

此以寄甘棠之恩焉

憶到城南萬柳堂廣渠門外賸荒莊迢遙持節登全隴惻愴

攀條尙異鄉西去極邊惟苜蓿南行芟舍比甘棠我來亦蔭

公喬木嘉植韓宣賦斷章

濃陰綠縹曉煙凝長路清風得未曾拂拂鞭絲牽作障幢幢  
與蓋幕爲棚黃鵬斗酒通雙陌白馬輕裘賽五陵羨煞道旁  
行李客青鞋布襪息行滕

蒼茫上有蔚藍天碧草鋪茵玉作田暝色沈沈濃欲雨曙光  
濯濯澹含煙鬚髻蔽日宜羣立旖旎臨風不解眠夾道兩行  
森列處儼如何鄧暹門前

分將眉嫵遠山嬌錯莫文園手自描聽到隴頭嗚咽水折來  
陌上短長條閒情陶令刪猶在別恨江郎悵未銷卻笑采藍  
成底事不盈一掬已終朝

赫如渥赭四山童但少穠陰此一叢土脈漸蘇頻得雨濤聲  
突起適因風織成離緒千條翠隔斷游絲十丈紅闕處疎疎

還待補莫將表道廢前功

恍結杲恩徹綺窗交枝樹樹自成雙荷樵欲憩休尋斧放牧  
頻來偶繫椿蘸水倒開青玉鏡穿林低擁碧油幢江潭悽愴  
緣何事生意蔥蘢正滿腔

賓筵正好唱驪駒謾謾涼風與子俱廣廈庇人何異爾離亭  
送客立斯須門前月色分烏相天上星紋錯白榆碧樹槎枒  
行不斷最宜款段勿車驅

搖落金城已不堪風光到此盍停驂婆娑樂意欣先得洋溢  
生機可靜參遷地何妨同枳橘干霄良不異梗枏土膏上吸  
天空氣灌圃原憑物理諳

登六盤山四度經此矣



直上崔嵬坂長風浩蕩征萬山朝正朔百里隔陰晴鶴迂重  
來客騎屯番上兵蒼茫雲樹合何處是歸程

十八盤高處嵌崎阻二峭驚泉沙磧路古戍瓦亭郊城址尋

羊牧

隆德宋天禧初置羊牧隆城後改隆德砦

山庵構鳥巢彈箏諸峽水俯視等

杯坳

避雨村舍

距神嶺鋪十五里

漫言陋室止高軒避雨倉皇筮觸藩風急須彌皆拍碎雲垂  
大陸忽傾翻聲如夔峽泉源倒勢比昆陽屋瓦掀下榻竊慚  
徐孺子主人安必異陳蕃

會甯行館戲作俳體一律

碧梧眼看鳳鸞棲欲上嶺臺未有梯驕子投懷頻索乳農夫

祝歲但操蹄須知尸祝難謀俎愧向鄰翁轉乞醯亦是來風  
空穴裏蜚狐幾輩畢登陴

青家峽題壁疊前韻

自憐高髻學長安巧樣宮妝倭髻盤東去豈知皆白豕西來  
無信遞青鸞汪洋漫攪波千頃踰蹬須知路一般吹皺一池  
春水未到頭甚事與卿干

容膝軒窗亦易安眼看雕鶚入雲盤飢來驅我皆臣朔熱不  
因人祇怕鸞山到空桐齊斗極河從碣石下鉤般登峰縱壑  
談何易且自踰垣學段干

轅駒局促苦難安巧極彎弓逞馬盤未可大鵬譏斥鷃莫將  
鵲雀談祥鸞莊言齊物超懸解佛說無生證涅槃般若悟觀空

清淨理可無饒舌到豐干

報書吾欲寄任安鱗甲胸中久鬱盤不信處堂皆燕雀偏言  
巢閣有鸛鸞論才西微思韓范講武東鄰頌賚殷聖世形天  
猶在野駭賜乳目舞朱干

避雨宿青嵐山頂

一白冥濛溼霧迷驅車不辨徑高低荒郵埽榻三間屋絕壁  
衝泥萬仞梯階下正當峰絕頂將匡喜見水翻畦夜深涼月  
穿雲出萬壑無聲聽曉雞

秬鉤驛題壁

驛距安定城六十里下厓越澗卽爲車道嶺之麓行館在厓背負陽面陰房宇深邃日光不到

盛夏如嚴冬焉聞居者輒病三度憊此未敢駐宿

埽除塵飯設尊壺暫拂征衣憇馬瘖風自空來工射蜮日當

炎候避殿烏光如漆室微穿牖凍比凌陰未釋塗恍到八寒  
陰獄地呵羅羅亦粟生膚

山郵行盡古朝那客館重檐結四阿爐熱不增炎月暑簾垂  
爲怕瘴風多軒窗湫隘防衰病崖洞幽深出祕魔清晝卽無  
夔罔雨姑懸桃茆仿行儼

甘草店喜晤楊愼之太史

芝草無根醴出泉臨風玉樹致翩翩山童水惡前經地劍氣  
珠光上燭天萬里轉蓬同作客三春新柳想當年柯亭劉井  
難重問清淺蓬瀛已作田

按部涼州出鎮遠門度沙溝至朱家井

十里郵亭送客程一年一度賦西征山連白塔崔巍勢河挾

黃流澎湃聲繫纜巨舟橫鐵柱建瓴高屋下金城望羊未息

冰蠟怒猶聽飛鴻澤畔鳴

六月大雨上游山水漲發河流驟溢沿河牲畜廬舍漂沒無算

日照金銀海上臺沙溝一出卽蓬萊比肩洞壑參差列彈指

軒窗詖蕩開幢節除非仙從下斧斤眞覺鬼工猜欲知七寶

裝成果龍漢何年舊規灰

出沙溝口羣峰突起上圓下方觚棱秀出金碧陸離宛如飛仙樓閣

廢堡

門巷銷沈爨突煙但餘馬矢尙平填空存樓櫓難爲戍待把

耜犁墾作田雞犬上昇遺宅在牛羊下括破垣眠憑車觸目

瘡痕象回首滄桑已卅年

渡莊浪河至岔口遇雨

驛路青迷芡芡叢莊浪河水隔西東輕雷遠度千峯雪急雨

長驅萬里風村館  
寒來解政作邊牆  
缺處杯聲通重表  
不寐

膚生粟未到胡天  
八月中

柔遠驛一名沙河堡

曉起霜華隕  
旆旆儼然月黑渡臨洮  
山融雪下渠如帶  
野曠風旋地不毛  
廢堡空存餘壁壘  
流沙狂走若波濤  
雲川自昔番禾地  
衛霍勳名想建業

水磨關

明爲大黃山番民互市所今廢

地控氍毹昔往還  
穹廬直到大黃山  
牛宮荒草空殘堵

東五里爲

牛王宮

馬市滄桑罷設關  
石似蹲鴟堆峯峇  
峇水從鸞鳥出淙潺

水磨河出永昌西南  
鸞鳥山一名雲川

登陴莫道車生耳  
遷客輪臺盼賜環

古城窪

漢日勒縣遺址也

東去驅軒接九街蒼煙十里古城窪青羊南出通沙漠北山青羊

口循邊牆西行達嘉峪關外昨日途遇同王入觀貢山蕭馬西來貢渾注馬數十匹與從甚盛

積本為甌脫地水泉遙屬合黎涯距水泉驛二十里邊牆如帶峰如

笏但少胡笳動客懷

### 定羌廟

山色祁連望杳冥幕南何處有王庭數家破屋難成聚四字

巖牆當勒銘邊牆門乾隆十九年西甯道朱某題神功永賴四字太古雪山常戴白至

今霜塚未回青將軍不戰功高日贏得鐫歌塞上聽康熙四

寶被青海番寇於此其實馬驚而憤非真能勝之也

### 宿山丹縣城

山丹漢本作刪丹刪字分明映日殘漢治在今市南百二十里燕支山曉日初升丹

碧相間如册字渠水穿城潞近市邊牆負郭嶰爲灘清泉灑灑喧隄

柳古縣戔戔源屋蘭漢册丹氏池屋蘭日勒四邑地驚喜沙州都督字神鐘

光怪出雷壇

風高大斗暮雲愁戰骨隋宮未首邱東南扁都口即古大斗拔谷隋煬帝西征經此

凍死士地控紫臺連朔漠河從黑水導西流圍場獵罷先捫

馬下澤車來並駕牛未到授衣寒已到雪深踰尺稞無收前

二十三日大雪一尺餘駕粟青稞收成減色

宿東樂縣城分防縣丞駐此

張掖武威際儼然百里封敦槃原小邑樓櫓亦崇墉柳谷分

鄰索棠疆等附庸折腰羞五斗蓋祿過千鍾

大佛寺在山丹城西十里



持節昔游龍藏寺初向沙門訪寶誌金人疑自休屠來石交  
得証開皇字渡河未登太華峰涉涇已到隴秦際巍然大像  
古邠州云是鄆公布金地一吹芥子見須彌十丈蓮臺坐勢  
至題名徧訪壁間珉說法未參洞中偈揭來弱水重問津更  
向祇園一修禊鑿山爲窟自何年豎拂登堂甚深義摩厓丈  
六見眞容滄桑閱盡人間世果然鼎足峙成三豈惟法身參  
不二後來居上等積薪初地登高若覆簣七層架閣何嵯峨  
百級循梯更迢遞焚宮突兀出翠鬢藻井輝煌露紺髻普諸  
含識盡瞻依大放光明出舍利最上一層僅及肩自肩以下  
閣鱗次堂高數似未齊腰室翼兩箱但舒臂布肘難將尺寸  
量廣輪未可由旬計雲霞頂上粲圓光日月眉間走義轡豈

徒胯下出侯王眞可胸中吞芥蒂若從世外論敦槃一切恒  
沙造象識不啻齊楚視却勝自卽無譏仰難企肉輪世界隻  
手持巨骨專車何足比鄭瞞長狄盡侏儒仙掌巨靈共鼎鳳  
鈞窈禪房締構新崢嶸畫壁塗茨塹國工但少陸探微座客  
幸非韋執誼浮圖九級良足伴露臺百金談何易不知功德  
幾高深但見莊嚴極鉅麗窮邊十室本九空竭作三旬通一  
試樹幢卽云精進多量鼓竊憂悉索敝好山徒被俗僧居廣  
廈何如寒士庇卽今頗深東顧憂到此欲問西來意環球輦  
鼓動邊塵款塞金縉輸歲幣懸臚百丈海上來渤碣三韓波  
鼎沸脫巾邕管起驕兵蒿目封圻皆俗吏風刀水火已當頭  
猿鶴沙蟲同雪涕蓮花九品孰往生藕孔千絲何處避人間

孰是乾淨土五印度亦淪戎裔靈文縱復徧支那浩劫未聞  
銷彌戾稽首問佛佛不言割肉餒人人何濟可知色相本俱  
空那有神通能絕異一粒粟真無盡藏五石瓠詎不才棄亦  
猶捫腹負將軍卻笑捨身到梁帝幸哉巖壑善斂藏倦矣津  
梁託休憩得偕社櫟保天年好向梅檀添逸事金剛不壞石  
不磷河流如帶山如礪五涼是亦大因緣三昧等諸小遊戲  
游客登臨問屋蘭宰官護法焚都荔小詩聊當刪丹行軼聞  
請補伽藍記

高臺縣中秋曹照初大令留宿一日賦此誌謝

荒沙漠漠走平蕪忽見青騰萬頃鋪  
弱水直趨星宿海孤城斜枕月牙湖  
五涼戰國皆陳迹兩字清平尙舊圖

壁間有清平如意圖

長白音補有以清字寫作無形如字末一筆曳長作如意  
形復題一題云戲寫情本四十年公餘遺興半逃禪祇因吉  
語人爭索舊傳難憶年金尾押朱印即用首一句猶憶  
此時避地雞水居停客舍亦張此幅但有署款而無題句今  
觀此詩頗非俗筆不知此老四十年所書幾什伯本而余得  
見其二然追溯初見時亦踰四十年矣對此今昔之感交集  
回首故鄉歸未得秋風起處憶莼鱸

月到邊庭不耐看霜華如水夜天寒驪駒欲唱逢佳節龙吟

無驚歲好官聲婦慶深遑恤緯主人情重爲加餐迴翔暫作

栖鸞地表是分疆半樂官

高臺漢表是樂官會水三縣地

月牙湖

雙潭如鏡隔濠梁十畝煙波負郭莊添箇荷亭窗四面畫船

恍到葑去溪塘

蕭瑟菰蘆水一灣遙峰正對合黎山畫圖如此江鄉景不信

西行近玉關

渡弱水作

水色深青土人名黑水河

弱水湯湯西向流不浮纖翮况載舟聞風元圃共弔詭仙人  
御氣乘蒼蚪我今兩度到西極使車已在祁連側但聞竹箭  
駛有聲安見芥航負無力山經荒古溯結繩事非目驗俱無  
徵漢初怪迂方士說禹貢踏駁經師承郢書贗鼎等舉燭何  
處圖經有實錄八駿原未到流沙四狼僅得羈荒服卽如凡  
水東流多西行出塞惟此河祇因水性但就下豈關揮日魯  
陽戈鼎者牖下矜耳食不見西流終不憚意如日月有常度  
終古雙丸不差忒是誠一孔拘井蛙蠶室未上張鸞棧虞初  
九百作枕祕惡知世界如恒沙或云弱水爲六極首供範五行

當敝帶不知溺字本從水借爲沈休義則否茲嶺西來到玉

門大河曲折始崑崙一從塞入一出塞到頭仍合黃流渾前

度來時值秋漲送客自厓施祖帳汪洋蛟窟望皆驚叱咤牛

車祝無恙

水深時以牛車度

難得中流借一壺淩波汎汎如鷺鷥東

西源頭一片接

山丹河爲東源此爲西源

上下厓子雙輪瘡

登彼岸爲下厓子又西三

厓上天空蔚藍染波色近視深青遠視黑環山開幃渥如丹

急浪漸帷溜不沮秋水年年萬壑深混茫十里冰蟾宮臨河

欲唱公無渡併入陽關玉笛中今年水高不踰尺鞭拂浪花

纔馬膝方行奚啻召蒲輪徒涉無須煩桂楫津吏相逢又一

年蓬瀛今已變桑田沙灘清淺石犂硯澗涂綺繡波淪漣莫

謂盈盈一衣帶未見稽天巨浸害水源齊發雪山時村舍都

在煙波外築石曾聞架巨鼇魚龍噴處淪波濤有如黃金擲  
虛化但見白馬馳素袍可見漸靡能斷綆萬弩齊施力逾猛  
負重何由怯羽毛齊東不覺堪齒冷乃知譚語本無稽桑鄆  
從來轍未西五洲今已若堂與古人遺說皆筌蹄弱水經流  
尙未改仙山樓閣今安在通津惟傍合黎山餘波遠入居延  
海胡氏雖指果未詳次風水道粗提綱諸家無譏更自卽導  
江初未窮謨觴橫覽輿圖快訂誤千古疑如扶雲霧詩成又  
到響山河

渡黑水四十餘里有響山河又名沙河

更駕輕車就熟路

蚊子草

產花牆子結實如球蚊出其中行旅苦之

昔聞吐蚊鳥今見產蚊草結實大如球累累盈枝頭花牆沮  
洳地客至不敢留驅車驅車客且去閔則成雷集如雨么麼

是何物乃在草中出脫穎比米囊盈升踰椒實如雞桴粥漸  
將雛若蠶出蛹紛鼓翼蚊出自成羣蚊來當夜分亦如秦郵  
廟談者豔露筋客子中宵不得寐荒店土炕芒在背一莖草  
化百億身閻提世界原微塵疆場千里蝸國土樓臺一寸蜂  
君臣始知佛所度一切衆生故久竹與青甯神奇出臭腐試  
觀河畔草青青宵來化作隋宮螢

鹽池驛

一縷波光繞合黎天空混漾白玻瓈塋牆土色輝龍甲絕漠  
邊聲起馬蹏塞外均輸頻置驛河濱生計勝扶犁他鄉忽漫  
逢焦叟來自于闐蒸嶺西

登臨水驛至肅州



行盡沙灘與鰱田綠陰如薺草如煙岡原決排中鹽澤城闕  
嵯峨古酒泉竹箭黃流金塔外柳枝青到玉關前崑崙尙在  
天西極莫向瑤池訪列仙

八月二十一日夜地震時在肅州試院作歌紀事

太歲甲辰月在酉廿一日夜時加丑酒泉相與論文時鎖院  
適當佳節後啼烏哢哢橫舍鄰

學宮在西  
僅隔一牆

化蝶遽遽漆園叟

問夜何其夜未央忽覺巨聲撼窗牖殷雷突出南山陽大風  
橫決土囊口初如鼙鼓動漁陽旋若衝車攻墨守燎原如發  
陸渾火火烈具揚驚在藪又如呂梁百丈洪大魚尾擊彼濤  
陡鯨呿鼉擲皆等閒據地竟聞獅子吼屋梁岌岌勢欲傾沙  
石簸揚不脛走不啻作力驅萬牛邱山重處剛回首是時羣

動亦已寂夢中驚呼各誰某隔牆問訊噤不言拔關脫局如  
掣肘不知顛倒幾衣裳竊笑倉黃銜箕箒著屐不覺已折齒  
覓冠未知仍在手暨相告語聲漸息鄰巷猶聞吠羣狗回視  
東方欲曉天雲影依然淨無垢月華如水照庭除黑影幢幢  
立人柳先生閉戶欲再眠候吏門前已持帚是何災異問宰  
官睡眼朦朧答否否不如海外擊蒙書能識地心熱力厚火  
山近處剝膚多劫運非關值陽九

涼州雜詩

巷續宵聞溯卜鄰十年塵海未相親簡書使命同千里茶火  
軍容喜一新袍澤期門皆子弟囊韉絕域識王臣懸知良將  
無羸卒莫謂風痺竟不仁

副都統玉恒字石宜京城與余同  
巷居未相見也去年奉命駐涼

以新法練兵皆成勁旅余入境先命材官以藥健來迎復列  
隊郊迎軍容甚盛旗營與經營皆爲言者所詬病不知亦視  
整頓何如耳

護惜浮雲付太虛天於廉吏竟何如薦樽未列中牟考遺橐

空存下辨書

陳蘅芬大令易奇廉吏也今檄至涼州權釐病

故及

升屋三號皋復某還鄉萬里越無諸

君爲閩人秋風葛帔應

憐汝將伯何人尙助余

尙論乾嘉諸老師河西二澗昔同時亡書已自迷三篋絕學

空煩借一甌汲冢縱攜皇覽本鄭鄉孰賦瞽宗詩下車先作

芻蕘獻欲繡平原盍買絲

訪張二酉後裔及其遺書無知者

一鶴寥天去已遙十年我始駕封軺雙輪不止慙生耳五斗

長辭肯折腰樂社舊民還鼓舞葑溪新築傍漁樵茭荷尙遂

歸田服近局雞豚許共招彭頌田刺史由京曹改官隴外一令武威再令秦安皆有政聲宦成  
勇退歸已十年矣如余之鐘鳴  
漏盡尙不知止視君有餘愧焉

蒙古女眞及吐蕃國書絕域入輶軒渾鬼名遇留孤証剎利  
婆羅異左言使者如求叩竹杖學僮未肄拭觚幡巍然雙塔  
猶無恙好訪城南祇樹園西夏書感通塔寺碑海內祇此一本歐洲人屢向譯署徵拓

人間何世但高眠日月壺中別有天九畝身橫無量壽一龕  
夢穩不知年刹那界相剛容膝倦矣津梁且息肩睡足拈花  
微笑候听然殤子視彭錢卧佛寺大象自首及足丈室九間

誰言雪澤等廉纖毋乃崔生誤撒鹽本自椎輪由朔漠可知  
車轍未西漸決渠萬頃齊施鍤懸瀑千巖比捲簾不見四河  
龍吐水來從阿耨達峰尖南山積雪終古不化夏秋融釋建瓴而下灌田萬頃北魏崔浩謂雪

澤僅資微潤不足溉  
田真一孔之見也

自平番度漢屬郎坡至武勝驛

山行喜平遠溪流激鳴玉枝陽古壯縣泉甘土且沃環城山  
爲屏山外隔番族巖壑競雄奇川原極綿邈溝底穿柳砦坡  
頭結茆屋漢家開河西四郡同荒服或者使車來爭迎漢典  
屬東山忽北趨蜿蜒接西麓奔流出其中兩山勢一束隔岸  
峰漸迴循溪路更蹙兩行列松栝千里迷苜蓿文石已斑斕  
濃陰况綠縹憑軼溯舊游川途已改躅昔行河之濬斷梁尙  
厓腹今秋水時至灌輸盈百谷淇澳可漸帷滄浪且濯足山  
徑通蹊間泥塗厯村曲覓路開榛翳邊牆斷復續仄磴時猱  
升頽垣見馬牧山迴路轉窮驛亭面水綠絕流笑方舟拂塵

卸行藥土室儼淩陰栗階膚生粟清晝尙沈寥懸知夜難卜  
停杯戒僕夫前途全口宿

烏梢嶺

崑崙無百似迺與天地隔遠迤無百里亦似閒秦越終朝有  
飄風炎天卽飛雪咫尺陰晴迷俄頃涼燠易冰山倏嵯峨霧  
海時漫溢傳聞六月寒眉冰足蘭栗前途病夏畦到此卽淩  
室廢堡斷炊煙陰厓積立鐵馬牛噤不鳴道有凍死骨竄整  
蓬訓狐舍沙避射蜮潛山麓罔雨清晝舞鱗屑臍飲目以乳  
頭痛身或熱如登共工臺或飲長城窟恂恂難具論膝車應  
紀實靈宇自經始輪奐尙新葺

嶺下有湘子廟楊石泉制軍所建也土人云自有此廟氣

候稍變無  
陳堯者

神棲已有菽仙遊此焉宅貯蠻果潛通攘熙皆願

出我來正早秋渡河日未昃片雲隨風來雷雨電交集再拜  
謁祠下登堂辨香熟蒲牢甫一鳴茗甌淪未畢天宇遽開朗  
沈鑪忽若失赤日映眉巖巖花燦五色如披雲漢圖或吹黍  
谷律瓊帳舞番童旗亭邏成卒婆婆樂神絃紛紛迎使節蠶  
鼓盡坦途龍溝指前驛昔讀昌黎詩衡岳紀游迹一禱祝融  
峰晦冥掃頃刻冥感若符契在今猶視昔未敢附前賢神貺  
自宜述聊用歌短章淋漓愧濡筆

龍溝驛

寒風吹白日日落谿壑冥度嶺忽開朗倒景何崢嶸朱霞起  
天半爛然如赤城有如佛生日夜明匡恒星初疑陞渾火烈  
燄崑岡騰又如赤壁下組練方交兵沿溪行十里陡厓開兩

局土膏搏墳塹石骨留瓊瑛草木作五色想曾赭鞭經始知  
瑰麗景絢染溪山晴溪旁屋如艇卻無投魚罾但聞鳴機碓  
亦可濯塵纓微風結漣漪荇藻時交縈波浪一蕩漾恍帶魚  
鱗頰山居有村市帶經還躬耕靚居若紺宇高揭皆丹甍取  
土近卽是煥若雲霞蒸想見築室時抹削聲登焉我聞祝融  
峰離方位丙丁赤文與綵字嶽圖留真形此山有洞天奚必  
慙朱明

古浪峽

荒漠絕龍堆巖關經鹿塞自登香簡坡上土下石戴鬼戶瞰  
銅牆神峰圍鐵櫃屢屨劈爲門潺湲激成瀨峭壁森兩厓鴻  
溝澗爲界巨石擺雷硯何年從空墜當路獅豹蹲分壘鶴鵝



會方圓肖盤盂縱橫雜觴璫陣圖魚腹中水曲蟻封內舞衢  
馬不前觸藩羝無奈一枰半差齟十步九遑得異哉波濤中  
超然巖壑外若坊若堂斧可驚可愕怪雁磧驚飛梁鼉磯激  
鳴碓豈但一卷多煩焉五色備有時搏過賴終古洗出髓遂  
使雲霞姿澹然色不媚途窮見異境危峰矗車蓋壁立無寸  
土奔流出其背漸帷足泥濡停車問津逮俯窺更仰援淺揭  
亦深厲水同之字旋山正翼然對浚空見雉堞孤城如斗大  
是爲古蒼松昌松改晉代三塗與孟門在昔稱要害彈丸雖  
蕞爾河西實襟帶勇夫貴重閉敢告凡有位

肅州使院同舍舊宅也同治初左文襄督師築長圍困之飛  
礮入城聽事牆壁猶有洞穿刼痕感而賦此

靈臺偃革已爲軒回首當年劫火燔盜弄藥街終伏鑕受降  
堅壘已懸旂韓刀想見羣攀堞紙陌猶聞哭祭壻本是一家  
異吳越角弓莫再怨翩反

子章碧血尙模糊月黑深宵出訓狐裏革曾聞悲蕙苳

是役也統

領徐占彪之功爲多遺譏不得叙

洗兵差喜靖萑苻漢回未必非兄弟孔墨

何容有主奴況是環球競吞噬可無垂涕告鸞孤

### 酒泉行

餽生不嗜飲今迺至酒泉千古淳不涸一勺清且漣  
翳維湘陰公中興總戎旃頓兵堅城下苦戰踰十年卒收蒲坂積遂  
扼葱嶺咽芒刃曾不頓目已無牛全長驅下天山南北皆凱  
旋栽栽泉上樓百尺城東偏大書勵清節飲者宜投錢想見

出山志皎如雲在天歌壺樂清晏冠蓋喧駢填卽今逐使節  
到此開賓筵尙想鄭公笏同贈繞朝鞭莫謂桴鼓息無復憂  
絃此州實綰轂西出通居延漢家無營平孰與籌防邊同  
時衛霍輩亦復圖凌煙此樓卽峴首墮淚碑未鐫羊公不可  
作辦香聊致虔

肅州城東過徐坤山總戎戰處賦詩憑弔

中興成都有猛將束髮從戎冀一當立功其奈數奇何弔古  
戰場猶惻愴酒泉陷虜踰十年荆尸乘車分兩廣是時連營  
九節度元老師于兼將相鷹揚尙父起投綸鳧藻諸軍呼扶  
纘楚歌垓下盡鄉音梁父隆中負物望犁庭掃穴集祁連纘  
薄吹簫起芒碭令公喜怒視參軍麾下中郎皆廝養將軍獨

自蜀中來不省容頭逐時尙平生奮跡自行間諸將觀兵祇  
壁上徧師北府輒先登老子南樓空雅量豈能下道避廉頗  
那月望塵拜庾亮棘門霸上皆兒戲師老何堪久糜餉清人  
河上但逍遙黠虜潢池尙跳盪長圍百道布梯衝製械空煩  
將作匠但聞墨守與輸攻誰復擣虛更批亢謀知巢穴在南  
山獨建鼓旗決西向刁斗咸知部勒嚴螯弧先作周麾倡振  
臂登陣誓一呼前者死綏後裏創三百蟲沙化國殤想見韞  
刀氣猶王堅城從茲下折箠絕域未幾歌脫韞捷書夜奏未  
諭功對簿朝參徧責狀但聞牘背示條侯幾見璽書褒耿況  
百戰勛名竟寂寥九關高遠徒惆悵高鳥未盡良弓藏國有  
鴉鳴賢士放事平雍齒竟不封年老師丹非善忘祇緣洛蜀

有町畦束糴當前爲寵煬燕面越縛風馬牛射影含沙蘂罔  
兩逢嘆如屋誰見憐使氣當筵肯相讓未免恩牛怨李多可  
知白壁青蠅妄不分生還入玉門橫草衣冠委荒瘴豹皮死  
後雖留名馬革裹餘未歸葬沈寃入地視不含部曲呼天士  
安仰不如射虎故將軍夜獵藍田尙無恙吁嗟乎角巾私第  
且莫言自古功高有誰諒明珠薏苡歎萋菲香草荪蓀淚流  
浪蒯生無補鐘室誅樂羊尙負中山謗青史悠悠未足徵白  
頭幸有殘黎訪當時巷哭聚邊民過客車驅叩亭長酒泉太  
守老戎幕謂符軾五刺史一介書生昔乘障尊前流涕說孤忠指點  
鼻鳴舊牙帳甘陳奇烈共淒涼褒鄂英姿還跌宕我聞撫髀  
起長歎且呼觥船倒春釀變徵蕭蕭易水吟大書奕奕名

藏白骨九京泣且歌丹心千載忠遺壯雲車風馬儻來游直  
筆須知出英蕩

重陽日肅州途次

宵窳南山隔翠微流沙馬首拂征衣故園霜冷茱萸夢荒磧  
風高苜蓿肥當路豺狼嗟莫問自鹽池至里泉驛斥鹵流沙一望空曠夜狼出爲害小兒  
牛馬皆被噬村民以爲神無敢捕者驅禳而已長空鴻雁羨高飛嚴寒塞上芳菲晚  
開到黃花節已非

宿撫獎廳贈周譜琴別駕

撫獎周別駕明季太倉人老作耦耕客歸來却後身我今臨  
塞下君適繼婁濱但愧非東澗空言種種因明太倉周履時號婁濱與程孟  
陽林古度爲友崇禎中官撫獎通判桑海後不出見牧齋有  
學集譜琴崇明人亦隸太倉州屬又與婁贊司在舊卷三

年通同官一地故人援以爲况  
耦耕堂牧齋與程孟陽借隱處

聖世無邊警豐年况降康循良單父邑清靜蓋公堂橫海承

先閥

君以蔭起家其尊人用武功爲總兵官

臨池溯舊疆

撫獎北涼之臨池郡

正須汲長

孺高卧治淮陽

甘涼兵備道白午齋前輩屬題鞠花長幅

我亦愛花如性命自署東籬大中正五十年前攬揆初正值  
黃花秋節映錫名略似傳延年高節敢儕彭澤令自從持節  
來五涼無復銜杯對三徑玉堂種竹有先型試院煎茶共清  
興長筵布處已將離結習深時踰不佞臨歧示我九秋圖載  
道聞公六察政繡衣綈纈出展齡灌圃逍遙歸抱甌傲霜骨  
格霖雨資并作香山池上詠爲公手持金叵羅卽以此花爲

持贈豈徒酈水祝延齡老圃秋容開益勁頽顏鶴髮不計年  
常如此花爛漫盛太華峰頭重九日畫錦堂前紅紫競涇渭  
之間廝二渠一是君家一爲鄭本來靈宅集佳喬世載清芬  
誦韋孟蒨贈秋風繫我思五湖煙水澄如鏡水村沽渺蟹正  
肥隴坂虺隤馬已病他年相約菱荷衣晚節共葆薑桂性邛  
倚商榷種花簪竊幸治廩非孤証

賤子以重陽後六日生  
以鞠爲號別字治廩

乙巳

登關山絕頂

使車三度出皋蘭隴坂何殊蜀道難  
應盡崎嶇登絕頂莫將高處等閒看

攬轡登清志未酬側身東望悵神州  
縱登絕頂非空闊四面



羣峰在上頭

下關山嶺踐冰十里至白厓驛

雙厓一束古龍湫上有飛湍百道流  
陷淖幸非乘小駟漸波幾等狎羣鷗  
蟻封水曲盤旋巧雪窖冰天浩蕩愁  
三刻踰溝剛出險恍登彼岸一回頭

新店子行館

門外寒溪溪畔山山如渥赭水潑潑  
金光幻作蓮華想石髓黏餘松樹斑  
雪後琉璃鋪世界日斜碌碌臥場閒  
停車已到臨洮驛拾得哥舒斷鑱還

宿洮陽書院贈潘紹庭刺史

斯干纔賦落成詩正值緇衣適館宜  
開徑羊求先迓客

木爲  
蔣進

士故宅割

以課士

升堂游夏待從師賓興自昔崇三物官守於今在

四夷敬告洮陽諸父老商量舊學養新知

自笑鳩居向鵲巢次宗精舍乍誅茅鳴琴入境聞新政傾蓋  
論心勝故交梨在春盤原飢座豆如夏屋好充庖鮮魚魚鯿  
紛行炙愧此韓侯出祖殺

自首陽城行十餘里有一少年擎兩梨跪獻道左知其爲應  
試之童子也戲拈七絕三首以答之

送梨何事等朱櫻欲乞先題榜上名擁篲門前拜車下儒冠  
不少可憐生

太谷張公持贈君但承篋篋莫論文頻宮簿采期他日先向  
騎前學獻芹

詩上  
笑必乘韋十二牛操豚大可祝簪箕亦如榛栗棋羔鴈敬致  
先生當束修

奇觚願詩集卷上